


湖南全省圖說

地270

639.1

1~20



凡例

一沿革表中廢建分合專取歷朝地理志參以郡縣舊志蒐采故實準以地望博徵金石掌故詳加考訂廢建則稽其時代分合則紀其本末

一天文分野考驗諸書多不相符查天元歷理原三正之理以陽城為中是已究極分野根源而準諸歷朝疆域遷中移度亦難吻合當由未經推步今折衷羣書取其切近者用弧角勾股準中線推之更合以各治所之經緯度數日至晝夜之短長昏旦中星之刻度以列於表

一疆域廣縱準十字中線包括邊界盈縮以紀其數其四至八到亦準中線格定方向某向測至

某界紀其經緯度數遵照奉頒格式詳晰叙明

一山鎮某山起於某方行至某處某為治所入首之幹某為幹中之支某為支中之幹博采兼收舉其最巨者測量經緯高斜詳叙於表

一水道本水經注水道提綱本省通志及近今輿地諸書參以游歷其源流分合誤者正之漲之起落靡常濶深隨異祇測定中限整數不叙零奇


一鄉鎮於叙市集局卡營汛礦產之外詳言險要以備方略之資

一繪圖郡縣治所以及山水橋梁悉遵奉頒圖式其稍有變通者如省界作⁺⁺府廳直隸州界作


一縣界作一 佐貳雜職駐所作 ㄨ 局卡作 ㄩ 關
隘碉堡作 ㄚ 驛站作 ㄚ 塘鋪作 × 塘鋪而不當
驛路以及市鎮作 · 營汛作 △ 故城作 ㄅ 界碑
作 ㄆ 驛路作 ㄇ 隄垸作 ㄏ 河道作 ㄏ 湖泊作 ㄏ

非敢立異冀不混淆

一衡岳九疑為楚南名山洞庭為楚南大澤山高
水長跨州帶郡附於郡縣圖表未易周詳各自
為圖別著一說



湖南省總圖 每方百里



湖南省圖說



輿圖滿中外求一圖說相為表裏索諸方幅證諸志乘而若合符節者卒亦罕覩蓋圖說之難不難於狀山川形勝之勢而難於洞悉山川脈絡古今遷變之原以沿革言之湖南為禹貢荊州之域商為荆楚周末為楚南境秦置長沙黔中二郡西漢建長沙國改黔中為武陵增置桂陽零陵二郡俱隸荊州東漢長沙改郡建安中屬蜀旋分長沙桂陽屬孫權後俱屬吳添置南郡天門衡陽湘東昭陵營陽六郡晉改南郡置南平俱隸荊州永嘉中置湘州領長沙諸郡是為湖南分部之始南朝宋復置湘州增置巴陵郡分武陵巴陵隸郢州南平天門隸荊州齊仍舊梁分置武州於武陵陳改沅州隋初併郡置州大業初復改郡俱隸荊州唐武德初復改諸郡為州置潭州總管府七年改都督府貞觀初隸江南道天寶初又改諸州為郡分隸山南東道江南西道黔中道乾元初仍改州廣德二年置湖南觀察使五代馬殷建楚國周廣順初地入南唐既而劉言王逵周行逢相繼取之宋分置荆湖南北路元設江南湖北嶺北湖南二道分領十四路並隸湖廣行省明改路為府隸湖廣布政司萬厯中設偏沅巡撫駐沅州國朝康熙三年改設湖南行省以長沙府為省會

經度距 京師中綫西三度四十分
緯度北極出地二十八度一十三分
置湖南布

政司移偏沅巡撫駐之雍正中改湖南巡撫現

領府九州四廳五散州三縣六十四置域則東

西廣準方邊九百九十里南北袤準方邊一十

八十里東至瀏陽縣鐵山交江西省萬載縣界

經度偏西二度四十分緯度極高二十八度十分西至鳳凰廳鳳凰司

交貴州省銅仁縣界經度偏西七度二十一分緯度極高二十八度四分

南至郴州宜章縣赤石司交廣東連州界經度偏西

三度三十二分緯度極高二度五十分北至岳州府華容縣塔

市驛濱大江交湖北省監利縣界經度偏西三

緯度極高二十七分東南至郴州桂陽縣益將司交

江西省崇義縣界經度偏西二度五十七分緯度極高二十五度三十五分

東北至岳州府臨湘縣藥姑山交湖北省通城

縣界經度偏西二度五十三分緯度極高二十九度二十二分西南至永州

永明縣龍虎關交廣西省恭城縣界經度偏西

五度二十一分緯度極高二十九度十分西北至永順桑植縣三臺山

交湖北省鶴峰州界經度偏西六度五十三分緯度極高二十九度四十分

三天度則分星上應長沙子依歲差法推至旃

蒙協洽之歲實躔辰宮三度五十分二十四秒

入軫宿一度十分一十三秒山鎮則南以衡嶽

為正幹湘之西北資之東南諸山皆附之東南

以摺嶺為省脈主幹西南以九疑為副幹湘之

東南諸山皆附之東北以幕阜山為分幹湘東

諸山皆附之西北以八面山為分幹澧北沅西

諸山皆附之水道則以湘沅資澧為其源洞庭湖為其委分而言之則合太陽江水石巖頭水蘆洪水瀟水祁水白水清江水春水吳水宜水蒸水耒水沭水淶水涓水漣水靳水瀏水瀉水百水黃水汨羅水入於東安匯於洞庭者為湘江合濟水洞口水覓水夫夷水邵水石馬江水橫溪水敷溪水善溪水桃花江水益水沱溪水源於楓門嶺匯於洞庭湖者為資江合朗江水澧水洪江水巫水淑水辰水武水酉水漸水入於會同匯於洞庭者為沅江合茹溪水溫泉水大庸水仙人溪水九渡水淩水滌水道水潯水澹水源於永順之萬笏山龍山之魚潛洞桑植

之三臺山同歸於洞庭者為澧江鄉鎮則通沅江之貨利者南有靖州之洪江市北有辰州之浦市通澧江之貨利者東有南洲之九都市西有澧州之津市通資江之貨利者有寶慶府之桃花坪市通湘江之貨利者上有永之蘆洪市衡之雷溪市長之淶口市易俗市下有長之喬口市靖港市皆楚南之巨集也職官則自巡撫以下文有布政使司布政使按察使司按察使糧儲道鹽法道提督學政以及布政司理問一員廣盈庫大使一員按察司照磨一員司獄一員糧儲道廣盈庫大使一員皆駐省城武則有撫標提標之分自提督以下歸提標者計參將一員

提督參將皆游擊二員一駐常德一駐辰州都司二員一駐常德一駐辰州

常德一守備二員一駐常德一駐浦市千總九員把總十

六員分駐常德辰州二城瀘溪浦市等汛外委千把總十四員額

外外委六員歸撫標者計參將一員游擊一員

守備二員千總四員把總八員以上皆駐省城外委千

把總八員額外外委二員此皆湖南統部之官

未叙於各屬表中者也然以形勢要害論之湖

南據南七省之中北距長江南絡五嶺西通黔

蜀東抱江西江湖環繞山谷阻深所謂四通五

達之衝南服一大都會也長沙為根本重地岳

州為北門鎖鑰寶慶為腹心要郡鳳凰為苗蠻

巨防郴永上通兩粵辰沅下蔽黔滇內撫蠻猺

外控江鄂交廣門戶吳蜀咽喉此亦足以覘湖

南之大勢矣而談方畧者則曰五要不守湖南

未可高枕卧也何謂五要一曰長沙湖南為東

南根本長沙尤為湖南根本自晉宋建置湘州

長沙遂為東南巨鎮江鄂兩省常視此以卜安

危蓋長沙之勢北可以拊武漢之背東可搯南

昌之腋長沙一搖則大河以南服嶺以北均岌

岌不安此一要也一曰岳州湖南北邊水陸門

戶也綜大勢而觀岳州實為全楚要膂大江險

要必爭之地岳州不守則南可以擾長沙窺衡

疑而通嶺外西可以掠常德而逕達辰沅此又

一要也一曰寶慶負山為城跨江為池湖南腹

心

心之地東可以撼長沙西可以窺黔蜀南可以
襲桂林北浮資水出洞庭可以下薄武昌故撫
長沙者有寶慶可以禦黔滇而撫黔滇者據武
岡邵陽則長沙之西門不啟此又一要也一曰
辰州辰沅滇黔之蔽也策邊防者沅為急即全
局要害而論則沅不如辰沅州失能力扼辰寶
賊終不能越境而東辰州危則湘東皆震動矣
此謂西南險要固塞之區又一要也一曰永州
籌兩粵者並言郴永第論湖南上游之勢永實
百倍於郴郴在層巒疊嶂中嶺南有警扼山谷
間道而守之一夫之力也永州為全省首領據
建瓴之勢浮湘而下水陸合勢可以直搗長沙

又一要也五要守而湖南安湖南安而東南數
省舉安矣昔人有言湖南之禍中於粵西湖北
者十四五中於江西者十三四則永岳長沙尤
為形勢所必守中興以來駱秉章胡林翼曾國
藩竭湖南之力日夜以援江西規武漢謀西粵
為事者蓋謂必保江鄂然後可固湖南之門戶
必清西粵然後可保湖南之上游是又古今之
定局而亦通籌大局者之殷鑒也咸豐間粵逆
雖頻陷岳州而皆旋失旋復未嘗久踞且能守
定長寶永辰故湖南得以安堵則形勢要害之
說所係顧不重哉茲因湖南測繪圖成於詳說
原定七款之餘更述山川險要藉資蒞政行軍

之用凡圖所不能形者說以明之圖所不及詳
者說以補之總期原委明晰朗若列眉以為籌
方畧贊中樞者之一助云爾